

日本  
撰述

# 本朝高僧傳

四十三 四十四  
四十五

和書門	
類	七四八二號
函	一一二
架	六
冊	三

和書	
類	七四八二號
冊	三
架	六
函	一一二

内閣文庫	
番號	和 27482
冊數	32(22)
函號	192 478



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak 2007 TM: Kodak



糊などで貼り付けられている部分がめくれない箇所あり

本朝高僧傳卷第四十三

明治十二年

濃州盛德沙門 師蠻 撰

淨禪三之二十五

京兆妙心寺沙門宗隆傳

釋宗隆號景川，姓平氏，勢州人。自綺年，比躡量躡隊，思其脫俗，歸真如良駒，止廐俊鸚，望霄父母，察志棄州之圓明寺，剪髮肄業。早知法有本，專修禪觀。十九蓬累遊方，參雲谷祥公于尾之瑞泉，看東山阿誰話，竭力參究經三寒暑，而不啟發，依義天詔和尚于愚溪寺，寅夕加精彩，往讚州慈明菴，問桃隱朔公，日如

何是佛法的的大意隱曰我宗無語句又無一法與  
入隆曰滿把驪珠撒向人隱曰識這般事便休隆依  
止不倦追隨勢之大樹提保福喫茶太因緣久之不  
契隆心口憤悱造洛之龍安再叅義天復訪大樹勢  
洛往來至三四回隱曰來來太太有什麼用處隆曰  
始隨芳草太又逐落花回隱呵呵大笑凡在椎下餘  
十三日隱愛法器痛加針剗謁雪江浚和尚于龍安  
傾心親附江門風壁立學人憚進一日入室纔欲開  
口江便打隆豁然大悟乃作偈曰痛棒機先不讓師  
一拳拳倒五須彌威風凜凜徧天地三拜殷勤依位

時唱酬相契如兩鏡相照和州高市郡主橘榮家建  
興雲寺隆爲開山祖禪客濟濟鬱成叢社文明七年  
奉敕遷住洛之大德上堂云大雄拈華大龜微笑平  
欺一會聖衆鈍置無量人天依之傳付金襴於教外  
倒卻門竿於機先西天四七東土二三依之紹紹授  
手歷代祖師天下宗匠依之的的相傳以至王道依  
之安文武於四海敷德恩於三邊衲僧依之藏機鋒  
乎手裏得法門乎百千阿呵呵新審山依之今日開  
堂端爲祝延召大衆曰會麼其或未然拈拄杖云了  
卻常笑菩薩魚緣復舉趙州一日坐次侍者報曰大

王來也州瞿然曰大王萬福侍者曰未到和尚州曰  
又道來也後來黃龍南禪師曰頭頭漏洩罕遇仙陀  
侍者只知報客不知身在帝京趙州入艸求入不覺  
渾身泥水也拈云大小大老黃龍恁麼拈掇可謂土  
上加泥錦上鋪花塞山更述一偈打破趙州關特地  
呈示諸人太也大王來也大王來趙老機鋒太俊哉  
萬福聲前君試看麒麟現瑞鳳凰臺隆後歷遷洛之  
妙心龍安尾之瑞泉丹之龍興勢之大樹諸刹右京  
兆細川政元於洛城中建大心院請隆住持涅槃會  
上堂大覺世尊今朝於鶴林樹下入大涅槃若謂佛

滅度入地獄如箭射若謂不滅度既示涅槃相恁麼  
說話諸人且道意在甚處良久曰佛滅二千年比丘  
少慚愧元旦上堂一條拄杖自天真八角磨盤呈本  
身莫道新年無佛法門前楊柳舊時春雖然恁麼賀  
新年底一句作麼生道麤茶淡飯隨家豐儉元宵上  
堂今宵處處燒燈一燈分爲百千燈且道那一燈從  
什麼處起遂喚直歲曰拈卻門前下馬臺明應九年  
春在大心院示有微疾三月初一夏衣端坐自書偈  
曰元本無明七十六歲末後牢關三千條罪連喝兩  
喝擲筆而化諸徒瘞全身於法山之龍泉菴窻塔曰

大龜救謚本如實性禪師公於山之巖吳吳國師贊曰擲示雙趺棺遺隻履所以佛祖臨終表密印也從唐以降禪門諸師偈以蔽之本朝特然見景川禪師末後句自出常情有衲僧氣息夫妙心法流六世之下派分成四師居上流焉此時關山國師之道為未寂寥也矣

京兆萬壽寺沙門梵叡傳

釋梵叡字天祐承嗣天龍雪心安公夢窓國師四世之孫也以內外該貫為時所推寬正癸未春依鈞命出世洛之萬壽上堂舉福州祿禪師開堂僧問今日

一會何似靈山祿曰徹古傳今拈曰恁麼問答趙昌画花新萬壽擲靈山會未截八部尚充輝解夏上堂荷背風翻白蓮腮雨退紅一面鏡沼涵得秋空以拂子點空日見麼鷺鷥飛入碧波中乃曰華嚴四會覺林菩薩偈曰若人欲了知三世一切佛應觀法界性一切唯心造答京兆人生不修善因久入冥府地藏願王愍渠罪譴教此偈誦當誦偈地獄受苦衆生皆得解脫故謂之破地獄偈大衆今日為多少父母一切幽靈三解脫門頭誦一遍山僧更著注腳太若人欲了知三世一切佛泣露千般艸應觀法界性一

切唯心造吟風一槎松豎拂子日龜毛子橫點頭云  
與麼注脚如郭象注莊子別下一笔好咄智不到處  
切忌道著上堂舉慈雲慧禪師示衆云大衆會麼五  
月十五日即不問葫蘆裏走馬一句作麼生直饒道  
得也是渴鹿逐陽焰萬壽不然葫蘆裏走馬即不問  
五月十五日道將一句來若道不得三條椽下七尺  
單前放出葫蘆裏馬看喝一喝下座叟所著有萬壽  
語錄一卷萬壽寺記一卷

京兆妙心寺沙門宗頓傳

釋宗頓字悟溪尾州丹羽郡人不記姓族母氏方娠

夢高僧投宿至生而言意氣不凡歲及志學入邑之  
小院剪髮受戒禮日峰禪師於瑞泉侍奉巾餅峰遷  
妙心之後留侍于義天學內外典辭太省問峰于妙  
心叅雲谷祥公于濃之汾陽進退籌室殆乎十年謁  
桃隱朔公于大樹投誠年久後依雪江于龍安一日  
問答江震威而喝當下豁然大悟從前諸師垂示至  
此洞曉無餘偈呈所悟江付印剞優旋於邑青龍山  
裏構臥龍菴休居長養濃之郡守越前刺史齊藤利  
永嘗入日峰雲谷之室字稱古巖與頓有素其子越  
前刺史利藤法諱妙椿相攸於稻葉山麓葺天台教

寺之舊趾殿宇輪奐甲于州治以奉其生源成賴之  
香火請願爲第一世山名金臺寺號瑞龍後花園上  
皇陞爲官寺賜宸奎寺額後土御門帝重降綸命準  
列十刹之位利藤問道參禪執禮欽尚雲水海會七  
百餘員文明二年夏奉敕住洛之大德當晚小參拈  
提雲門大師示衆云聞聲悟道見色明心觀世音菩  
薩將錢來買餠餅放下手卻是饅頭跛脚阿師恁麼  
說話大似鄭州出曹門頓上座則不然卓拄杖云泉  
聲中夜後山色夕陽時十二年冬移尾之瑞泉據室  
日德山棒臨濟喝山僧束之高閣放下竹篋云大海

從魚躍拈示日迦葉添蛇足盧能刻劍痕拈云祖禪  
不了殃及兒孫翼歲告退再遷大德上堂舉拂子云  
龍峰山中那一審光明燦爛照河沙大燈國師信手  
擊碎了散作花園裏花世尊拈一枝花泥帶水  
迦葉獨解微笑逐惡隨邪以至馬祖百丈以之提掇  
正令坐斷千筵德嶠濟北以之放惡氣息弄毒爪牙  
天下老和尚以之殃害衲子結得冤家頓上座以之  
蕩除活業別立生涯設問大衆受此恩力耶若道受  
波斯入鬧市若道不受啞子喫苦瓜不涉二途如何  
著到太金爐八流月金殿啟晨般記得僧問雲門佛

法如水中月，是否門日清波無透路，恁麼酬對諦當，則不無爭奈。放此僧覲艸裏拈拄杖云：當時若是劈脊與痛棒管取，先前絕後。雖然恁麼如雲門答處，諸人如何緇素得卓拄杖。云：南北東西無路入鐵山，當面勢崔嵬，視篆三日搥鼓而退。十六年結夏，日住妙心四節日，望陞堂示衆，叢規無關，記得浮江禪師因雪峰領衆到門云：即今有二百人寄院過夏得也。無江將拄杖劃地一下云：著不得。如浮江恁麼道意在那裏，各請甄別。來衡梅雪江老師云：一人在孤峰頂上，不露痕，一人行淡淡海底，不溼腳。頓代云：把劍

要津不通，凡聖示衆，扇子踔跳上三十三天，築著帝釋鼻孔，東海鯉魚打一棒，雨傾盆。頓代云：禍不入慎家之門，弄泥團，漢有甚限。頓代云：見罷青青竹和衣自在眠，頓住妙心瑞泉共至于再及解印返瑞龍官族吏民靡隨，歸法朝廷聞其偉望，特賜大興心宗禪師之號。明應九年九月六日，示微恙，蛻化壽八十有五臘，六十有奇塔于瑞龍及妙心之東海菴，扁曰虎穴，頓妙心四派之一也。出神足九人皆出世大德，妙心有六會語。贊曰：古人之三上九，登勤苦無佗，只欲見本來自性。



也心宗禪師歷抵雲谷桃隱等四老孳孳匪懈漸及  
半百雪江室內啐啄時熟一喝機先擊碎須彌其辛  
勤得悟自合古人之風矣今其支流展轉溢餘源深  
而流不絕之謂與庶幾就中有續佛心宗人矣

京兆建仁寺沙門龍澤傳

釋龍澤字天隱播州緝西郡路傍子也慈恩寺僧收  
而鞠養年甫十歲上京之東山拜靈洲衆和尚執驅  
烏之役依軍雜染侍二十年其性聰睿博覽羣書後  
爲天柱之嗣柱嗣聞溪聰澤初出世洛之真如文明  
年間十住建仁冬至上堂拈拄杖畫一畫曰擊開泥

沌竅放出鐵崑崙左邊一卓日大哉乾元右邊一卓  
日至哉坤元四時行矣天何言哉百物生矣地何言  
哉孟軻謂之浩然氣老聃名之玄牝門山僧一條麤  
辣梨三冬雖無暖氣無端抽太極仁根看看天人羣  
生皆承此恩解夏上堂統三千刹海爲圓覺伽藍融  
十世古今爲自恣時節佛佛萬行總在這裏人人三  
昧不離此中不分大乘小乘何論持戒破戒今日幸  
是布袋頭開高挑盃囊東去也得橫擔拄杖西行也  
得前途若有人問一夏九旬咬破幾枚鐵彈子又且  
如何咄今日是立秋上堂明月靄靄平蕪迢迢秋風

蕭蕭落葉索索雁過長空影沈寒水燕知社日夢歸  
故國不是時節因緣亦非神通道力自然暑往寒來  
不覺面離頭白生歎事大無常迅速諸仁者放下諸  
緣工夫純熟麼如古廟香爐麼如一條白練麼如寒  
灰枯木麼若又不恁麼端坐思惟與堂中聖僧商確  
澤退居大昌院逼老而化著翠竹真如集默雲集等  
若干卷

系曰澤公劉覽內外遺於後學者多矣然建仁開堂  
有言嗣法有三上士嗣怨中士嗣恩下士嗣勢這片  
木頭歷劫無名何分上中下拖向爐中穿卻只聞其  
名不見其面天柱禪師鼻孔夫宗門者以直指面命  
的的相承谷古塔主距雲門百年而稱其嗣青華嚴  
未始識大陽而嗣之洪覺範評謂曰於己甚重於法  
甚輕蓋以奈授受之要也澤公非不知之人天衆前  
何其言也不訥邪

京兆妙心寺沙門禪傑傳

釋禪傑號特芳不審姓氏尾州熱田人少上京師受  
業妙喜院瑞峯禪師高法燈國師之裔也掛搭慧峰  
日長木華聞關山派下禪道鼎盛參義天詔于龍安  
依雲谷祥于汾陽桃隱朔于大樹周回累年無開發

處雪江輪下得穩坐地出歷住丹之龍興攝之海清  
禪客靡風爭先盈藉文明戊戌秋奉敕視篆洛之大  
德臨門曰雲門禪新定機顧視左右曰昔夫無處不  
光輝陽據室曰二鐵圍可透金剛圍難透四大海可  
吞栗棘蓬難吞以竹篋打案曰還我命根來上堂拈  
拄杖曰今朝拄杖始開封四海八紘雲也從卓一下  
曰一聲霹靂動天地龍窰山頭化作龍噴用化作什  
麼靠拄杖曰到者裏明暗色空各歸本位山河大地  
不改形容淨躑躅亦灑灑風凜凜水淙淙且道是什  
麼時節倘於此薦得佛恩皇恩一時報畢矣其或未

然舉拂子曰聖代祇今多雨露萬年松在祝融峰冬  
至上堂鴻蒙未分先一氣不散伏犧初畫後三才既  
昭是故一陽來復君子道長羣陰剝盡小人道消樹  
頭一雙鯉魚擺尾石上丈二玉笋抽條驀拈拄杖云  
與麼說話子細點檢將來只這陳年曆日更有新條  
在聽取拄杖子說著卓一下云本是太平無事客不  
知身世在唐堯復舉首山僧問如何是學人親切處  
山曰五九盡日又逢春這僧含元殿裏問長安首山  
老婆心切爲化詳解今日若有問如何是學人親切  
處擘口便打何故官不容針私通車馬傑由住妙心

移尾之瑞泉兩祖真前拈香曰二株嫩桂久昌昌枝  
葉垂陰遍十方慙愧拙孫之攀折等閑拈作一爐香  
且道爲是報恩足矣無復家醜向外揚麼那伽定裏  
笑具一場檀越開丹之龍潭精藍延招唱道右京兆  
源政元聘補洛之龍安歸嚮殊渥構西源院於山之  
側自卜壽塔永正三年九月十日化壽八十八傑妙  
心四派之一也有西源錄敕謚大寂常照禪師  
贊曰特峰禪師初以才雅鳴五嶽入雪江笏室淘盡  
舊習胸襟流出句語清絕雖宋元諸師而黃絹幼婦  
不減高價矣大德入寺佛殿落句自點胸云天下大

禪佛卽是萬人傑吾不以爲雲居羅漢也

長州大寧寺沙門須益傳

釋須益字大菴久在上州雙林寺參一州伊公後依  
器之璠禪師而得證悟補長州大寧移住防之龍文  
又受請董能之總持解印回龍文室中舉女子出定  
話示學者衆下語益不肯有一僧曰睡美不知山雨  
過覺來感閣自生涼益曰是則是只是弄精魂僧曰  
和尚作麼生益復起太

京兆大德寺沙門英朝傳

釋英朝號東陽土岐氏濃州賀茂郡人五歲上京禮

天龍玉岫種公執童役稍長落州圓具資性逸發內  
外經籍過目卽記親附岫于南禪久之辭太徧踵叢  
席聞雪江浚禪師道貌掛錫龍安決志依之受江開  
示傳持心印出住丹州龍興文明辛丑奉詔輿洛之  
大德周歲遷妙心歷二寒暑主尾之瑞泉濃之源司  
農初少林寺請朝爲第一祖尋徙州之大仙定慧二  
寺所到數創建大法幢道俗宗仰如衆水歸巨壑焉  
半夏上堂一夏半過任運騰騰人人護鵝之戒如雪  
個個守蠟之行似冰雖然與麼如臨濟半夏上黃檗  
諸仁者曾夢見也良久日半夏猶在各自努力看珍

重中秋上堂人間月半天上月圓且道天地未分已  
前個月在何處良久日無人知此意令我憶南泉冬  
夜小參否極泰來陰剝陽復小人道消君子道長爰  
觀易中陰陽之變化足知天下佛法之興衰方今宗  
門之弊危如累卵微似懸絲諸方稱明眼者或抱妻  
罵釋迦或醉酒訶爾勒撥無因果自謂快活衲僧似  
則似是則未是或侵掠常住恣自己利貴鬻豪奪誦  
權諛世住著寺院如玩蛇戀窟不循規繩魔魅男女  
學者隨之拋卻雪竇承嗣德山盜法負恩乃稱誰某  
的子親孫安坐師位者如褪花杏子相似達磨一宗

將掃土而盡法道元氣至此五陰剝盡悲夫雖然與  
麼一陽來復唯在諸仁者一機撥轉三條椽下七尺  
單前忽然豆爆一聲則有甚麼德山臨濟人人鼻孔  
遼天去也咄朝八坐道場四十餘年應機演法耄期  
無倦在妙心時多講祖錄五山衆僧負笈填門永正  
元年八月在濃之少林示微恙二十二日作偈示徒  
曰造化小兒休勦入靈臺不動一微塵侍僧勞苦以  
何謝籬菊半開楓葉新二十三日源司農爲朝照容  
請贊卽贊曰呼翠竹爲真如鎔喚黃花爲般若鎔畢  
竟有若非仲尼一畫師畫師莫將五竺鐵鑄一太鎔鎔

二十四日端坐書偈日涅槃四柱一時拗折看看珊  
瑚枝枝撐著月憑甚魔宮化墨魔膽落喝置筆而化  
壽七十七坐六十四夏塔于少林朝著正燈錄二十  
卷八會法語門人編緝爲十卷日無孔笛朝亦妙心  
四派之一也賜諡大道真源禪師

贊曰世人漫評稱才東陽不然實是本色衲僧也不  
信者請看小叅語不離文字之性而如此言哉蓋妙  
心門下謂之命世宗師亦未爲僭之若夫文才侘之  
小技巧但以出後時不能無少渾厚之嘆俗而已矣

越前永平寺沙門慧應傳

釋慧應字曇英本貫山城州藤姓有故產于防州至  
三歲偕父母寓遠之見付縣偶有相人見之曰此子  
爲千人之英旅店之主乞爲義子及甫六歲投金剛  
寺一所習學不勞再訓年至舞勺薙髮受戒遊學掛  
搭相之圓覺洛之相國共衆頡頏十九往上之學校  
聞東魯書一日誦金剛經至四句之偈自省日時不  
待人豈可拘文字乎徑如越之慈眼寺問天叟和尚  
日生從事大無常迅速請師直說叟曰這顛頑不可  
向佗求翌日入室請指示叟曰佗除卻平生知解一  
向修禪觀應專一繫念殆忘眠睡一夜大雪寒月交

映定起見之忽然契悟拍手曰佛法元來無多子時  
叟巡堂把住曰佗見個何道理速道速道應驀面一  
掌叟大笑歸方丈應隨後拜叟曰且坐喫茶應拂袖  
而出侍叟五祀益探玄樞辭遊長州謁竹居和尚於  
大寧問曰天得一以清地得一以寧未得一時如何  
居曰卽是太寧應曰如何是此中生居曰眼橫鼻直  
應曰未具面門時相見了也居曰猶隔萬重關應曰  
門前金剛空捧拳往防州龍文寺謁器之璠公之曰  
尋師訪道得何邊事應曰鼻孔依然掛唇上之曰奈  
無位真人面門出入應曰這般閑事還和尚之便打

因居版首依月江和尚于尾之楞嚴又表率一衆江  
順世後然一州伊公不伸一詞機機相契出補上野  
雙林文明壬辰秋隨州在相之最乘復爲六百衆上  
首州一日謂曰古人於先祖道場傳法傳衣續佛祖  
慧命今在休乎卽付洞上之宗記信衣應後住玉泉  
最乘又創越之林泉上之長年居第十代同門晉議  
主越之永平盛化四衆不久回雙林文龜初構小屠  
廡號宿蘆謝事休居不幾取滅焉

京兆大德寺沙門宗真傳

釋宗真號實傳林氏濃州慧那郡人幼喪父母四歲

入大圓寺服僧役十四上都居東山天潤菴依晉舉  
才禪師專學文墨十七爲大僧居知客寮二十八司  
經藏鑰結制秉拂衆皆服之真奮起謂文字義學豈  
決生外耶卽出東山參春浦熙和尚于大陰菴浦下  
面許參堂盤桓席下餘十二年遂了畢大事浦付今  
號并偈曰虛空無人容易過機權一句辨龍蛇天真  
獨朗爲君決的的持來分付佗文明十八年奉敕住  
龍審山浦遣侍者授養叟衣晚參拈拂子云山僧今  
夕隨例小參大似依樣画葫蘆雖然與麼家訓一句  
如何施設抄著釋迦彌勒則不拘範模棒喝交馳與



套縱橫殿上，烏龜暗嗟呼，鞭逼狸奴白牯，則不帶有  
無直截根源，立地成佛，變毒藥作醍醐，且道夜溪燈  
花落盡底，時節諸人還委麼，擲拂叉手，曰和盤托  
出，夜明珠，元旦上堂拈拄杖，曰太平時已至，祖域開  
三元，好個時節，法堂前與你相見了也，作麼生是相  
見處，三世諸佛出來，橫說豎說，向上向下論，有無分  
真假如此，千般萬般樣，總是沒可把，非與你相見處  
歷代祖師出來，有時七縱八橫，喚驢作馬，有時喝下  
套機棒頭，辨的恁麼活手段，又是成佗話，欄非與你  
相見處，到者裏，諸人還知相見落處麼，卓一下，曰八

臂那吒不摸索，三目摩醯難覷破，何故鐵丸無縫罅  
真後歸休，養德院朝廷聆其德音，特賜佛宗大弘禪  
師之號，永正四年四月初八日，遘疾示寂，有遺偈曰  
末後牢關快活快活會麼，只餘一喝，享齡七十四，坐  
夏五十八，門人遵遺命，塔于伏見清泉寺。

長州大寧寺沙門東純傳

釋東純字全巖，壯歲入京遊講席，後在大寧寺參大  
菴益禪師發明大事，接武領眾會下，叅徒有，三千指  
有檀越居士語曰，明之帝王，深信佛乘，夢一道人立  
於殿陛，王問曰，卿何人，道人曰，日本僧猷竹居，明日

問羣臣無知之者王以爲奇事詔中書舍人史盛書  
竹居二字頒布民間日州小內海黃頭郎入明國親  
聞此事持史盛之字歸現在某處也純聞之遙向日  
州三拜居士日應化非真拜個什麼純擒住日那個  
真那個假速道速道士擬開口純托開口寐語作什  
麼純後遣僧求竹居之字掛之丈室云純之示寂未  
詳其年月日

京兆南禪寺沙門桂悟傳

釋桂悟號了菴嗣法真如大疑信公宗說泛通文明  
年中出世勢州安養遷京兆東福結夏小叅青春送

盡朱夏已迎這個省要不涉途程白日青夫坐一禿  
七空華水月六度萬行蒸砂作飯何人咬著十分滋  
味磨甑成鏡幾個覷破一段光明神通妙用蜂遊蝶  
戲法爾如然鶴噪鴉鳴正與麼時殺活自在與奪縱  
橫本來無礙說甚守口如瓶防意如城剋期取證論  
甚九旬禁足二月護生拂一拂日鐘中無鼓響鼓中  
無鐘聲朝廷聆其名名問法要皇情大喜特蘸宸翰  
大書了菴二字賜之退院上堂密傳官命住山僧失  
照宗門日下燈添賜宸奎了菴號五湖風月一枝藤  
悟年八十二奉使入明明帝詔住育王山悟臨門云

育王門戶八萬四千毘盧樓閣雨華現前進步云纔  
動一步東土西天是日遣中使賜金襴僧伽黎卽拈  
衣云書錦恩榮北闕天黃梅夜半不曾傳育王山頂  
橫雲霧無相福田擔一肩每有上堂緝白觀呼公卿  
緝紳崇德來謁正德八年解印東歸諸儒贈言王陽  
明序日世之惡奔競而厭煩拏者多遜而之釋焉爲  
釋有道不日清乎撓而不濁不日潔乎狎而不染故  
必息慮以浣塵獨行以離偶斯爲不詭於其道也苟  
不如是則雖皓其髮緝其衣梵其書亦逃租繇而已  
耳樂縱誕而已耳其於道何如耶今有日本正使堆

雲桂悟字了菴者羊踰上壽不倦爲學領彼國王之  
命來貢珍於大明舟抵鄞江之流寓館於駟予嘗過  
焉見其法容潔脩律行堅鞏坐一室左右經書鈔采  
自陶皆楚楚可觀愛非清然乎與之辨空則出所謂  
預修諸殿院之文論教異同以並吾聖人遂性閑情  
安不譁以肆非淨然乎且來得名山水而遊賢士大  
夫而從靡曼之色不接于且淫哇之聲不入于耳而  
奇邪之行不作于身故其心日益清志日益淨偶不  
期離而自異塵不待浣而已絕矣茲有歸忠吾國與  
之文字交者若太宰公及諸緝紳輩皆文儒之擇也

咸憺其太各爲詩章以艷飾迴闕固非貧而濫者吾  
安得不序悟還國人內帝救住南禪寺悟厥山門丘  
墟出衣資以再建焉回慧日之大慈院以其年月安  
庠而化特賜佛日禪師有語錄二卷

勢州淨眼寺沙門玄虎傳

釋玄虎字大空武州生產未詳姓里入邑教寺剪髮  
就學雖口肄教而心傾禪邑有文殊堂每夜入堂禮  
拜定坐年過弱冠遊歷叢社陟最乘寺問洞上風雷  
遠之石雲叅崇芝岱禪師知經藏鑰隨衆辨道二十  
有年芝一日問曰世界壞時此性不壞作麼生會虎

曰世界壞時此性俱壞芝曰意趣如何虎曰畢竟空  
也芝驀面掌虎當下契悟乃起禮拜芝曰你見什麼  
道理虎掀倒禪牀而出芝肯可印付繼住石雲長亨  
二年移越之龍澤開龍雲寺付其徒東木樹而回石  
雲明年菴居勢之淺香鄰丘有凹谷晝夜炎燒熱湯  
涌出村民名地獄谷虎禪坐其側火湯自熄庶黎感  
歎郡守隨喜建淨眼寺延虎住持寄附莊田以充供  
億後移本州廣臺寺遠近崇信又成巨叢朝廷聞其  
名特賜佛性通活禪師之號永正二年七月二十三  
日卒

京兆大德寺沙門宗牧傳

釋宗牧字東溪藤姓筑州太宰府人母夢三日並照而產七歲投州之妙樂寺明照和尚出家十八就西關文公參禪一紀參春浦和尚于霽山歷十寒暑浦臨寂願命依實傳真晨鍛曠練懸徹祖意牧從二師凡三十年母氏三日夢至是有徵矣永正二年春奉詔出世大德時暴雨俄降牧指門日雨大法雨灑太霽峰驟步日直饒有相隨者猶隔雲關萬重上堂問答訖迺曰諸佛妙義不涉言詮至道無方寧有畦町橫說豎說如太虛置一毫正依傍依似赤土画胡餅

分身於微塵刹土未爲闢兀坐於雲巖石洞何曾靜所以曠曠蕩蕩不隨萬法不滯一境或開鼠金鋪於貧人屋裏或澆蠱毒水於佛祖頂顛拋向拄杖則透過娑竭羅龍鼻孔蹠跳上天拈起拍板則震裂緊那羅王宮殿轟動雷建雖然恁麼今日開堂祝聖一句作麼生道著擊拂子曰康衢只見歌太平四海千秋皇祚永復舉首山示衆曰佛法付囑國王大臣且道付個什麼須是迎葉師兄始得拈日首山提唱口邊生荆棘新龍霽則不然拂一拂日落霞孤鷺天一色牧道與喧時後柏原帝特賜號佛慧大圓禪師永正

日本書紀  
卷之四十一

十四年四月十九日寂塔于龍源院

野州大中寺沙門明慶傳

釋明慶字快菴薩州生緣成童出家為大僧之後徧遊華夷叅二十餘員之善知識悉蒙優賞自謂我於法有逸格焉行脚偶過濃之祥雲山下覽其地之幽致乃就南谷卓菴而居眼見雲霄氣吞佛祖時華叟萼和尚居關縣龍泰寺熾唱洞宗慶不敢謁見歷半許年叟使僧勘之僧到便問閣梨在裏許為個什麼慶曰一事亦不為僧曰因甚麼得為個不為麼慶惛然不答卻問上座師個阿誰僧曰華叟禪師慶曰尋

常以何誘獎學人僧曰尋常教人長連牀上伸脚而臥慶聞得高聲叫曰是真知識為人抽釘拔楔太也乃偕行拜謁悔相見之晚從茲不遠山路日往問安久之相承洞宗祕訣文明年中越後檀信創顯聖寺延之延德二年郡主小山重長建大中寺請慶為開山始祖會中禪徒或二百或三百董眾五載以明應癸丑臘月二十六日謝世春秋七十二有代語錄一卷

京兆建仁寺沙門龍崇傳

釋龍崇字常菴自號角虎道人

日本書紀  
卷之四十一

仁正宗統和尚執童蒙役其性明敏早讀羣籍年始  
十歲有人詰曰小兒未解作詩乎崇應聲吟曰庭賢  
生八歲口始解言詩今古同中異何恨二年遲其逸  
羣之譽爲時美談及稍成人剪髮稟戒坐臥嚴密稟  
承師印開法薩之大願歷遷洛之真如建仁佛生日  
上堂佛身充滿於法界一夜落花雨普現一切羣生  
前滿城流水香隨緣赴感靡不周薰風自南來而常  
處此菩提座殿閣生微涼所以二千餘年前無上大  
法王未離兜率已降閻浮說甚毘藍園裏右脇降誕  
未出母胎度人已畢論甚開權顯實扶律談常大衆

會麼其或未然下座各具威儀詣大佛殿隨例紫金  
炎聚頂上潑著一杓香湯解制上堂今朝七月十五  
諸方隨例滿期東山布袋頭元未曾結何用解之夜  
夜燈籠沿壁上天台徧十方莫非通霄活路日日露  
性著衫衲南岳盡大地是個無孔鐵錘雖然如是前  
程有人若問今夏東山法道如何又且作麼生以拂  
子擊禪牀曰百不會百不知行到水窮處坐看雲起  
時崇住建仁三十四會上堂說法循守制典有語錄  
二卷角虎集寅闇景若干卷共傳于世矣

京兆南禪寺沙門周麟傳

釋周麟字景徐別號宜竹嗣法萬年用堂材公多識  
屬文凡住相國前後四度上元上堂冰泮雪消星移  
物換莫有不干節序底麼冬至寒食一百五上元定  
是正月半參除夜小參人生一世白駒過隙只遮白  
駒王良造父不能執御大宛渥注未爲絕定無常殺  
鬼騎之踰鐵圍越奈落刹那而至衆生迷醉不知不  
覺今年三百六十日今夜小盡二十九擊石火閃電  
炎叉手日如少水魚是有何樂祇思無常慎莫放逸  
麟常投閑萬年之宜竹軒年過古稀終于軒中外集  
若干卷曰翰林胡蘆集

京兆妙心寺沙門宗受傳

釋宗受字夫縱初在東福永明菴馳騁文字棄太參  
悟溪頓禪師于瑞龍未幾脫然投機作偈曰黃頭碧  
眼不曾知黑漆屏風月蝕詩大坐當軒鎮寰宇數峰  
如画雨晴時溪爲印可受開濃之慈雲寺爲第一祖  
及住洛之妙心學徒影響大休問曰永明一湖水流  
歸松源一派時如何答曰涇流不濁渭大休以亦出  
於永明也永正年中有旨住大德特芳傑公製山門  
疏後遷尾之瑞泉據室拈杖日棒喝機先家國晏然  
德山臨濟十萬八千叉手日吾個室內無多子不許



禪徒來扣玄退休慈雲永正九年正月十一日寂

京兆南禪寺沙門景茝傳

釋景茝字蘭坡稟法大模軌公夢窓國師四世之孫  
聰慧夙發於諸書史靡不該研歷遷諸刹後住南禪  
上堂舉三聖道我逢人則出出則不爲人與化道我  
逢人則不出出則便爲人枯日一人如董賢相漢一  
人似范叔歸秦且道山僧卽今爲人不爲人以拂子  
擊禪牀曰雷破羣蟄何艸不春謝事居正因菴文龜  
元年終於菴中有仙館集雪樵獨唱集茝在世日後  
土御門帝屢召問法後柏原帝追褒賜諡佛慧圓應

禪師

京兆妙心寺沙門宗棟傳

釋宗棟號鄧林細川氏子山城州產資性爽邁才華  
粹達久侍特芳和尚明衲衣下事滌篆大德主權妙  
心永正庚午秋住尾之瑞泉入門云遊履三眼國透  
過萬重關驟步指云山上那一路拔虎頭關喝一喝  
據室拈竹篋云膝下黃金拈拄杖云掌內日月擲下  
篋杖云無隱乎汝龍山路滑棟依細川右京兆乞奏  
妙心賜紫之寵命京兆執奏後柏原帝允詔制可特  
降紫泥綸旨於山門曰正法山妙心禪寺者大燈國

師上定之艸剗花園仙院御願蘭若也是以綸命復  
舊再興得時然則須著紫衣刷入院儀式位次等大  
德寺前後可守年月也門徒相互專佛法紹隆守奉  
祈禱祚延長者也自爾住妙心者奉敕黃天使臨筵  
開堂祝聖登林之功永以為兆矣後入丹之山中艸  
屋終老云

參州泉龍院沙門契疑傳

釋契疑字克補從字崗禪師得洞上之旨續泉龍之  
席煽唱宗乘一日集眾日穢惡國土不樂久居吾且  
歸矣眾不為意翌朝巡堂忽爾不見尋之茫無方肯

大永三年五月二十八日也門人以是日為追忌嗣

法三人全久院光國靈巖寺希聲醫王寺琴臺

本朝高僧傳卷第四十三

音訓

蔽 必弊切 誨 舉雅切 譴 苦戰切 聃 都含切 枚 謨杯切

訥 而震切 棘蓬 上吉逆切 齧 余六切 褪 吐困切 黝 了尼

切戲相 屠廡 上同都切 草庵 疇 虛訝切 租 繇 上宗蘇切

擾也 人質切 鉛 夷然切 陶 徒刀切 靡曼 上莫禮切 淫 注

上夷今切 迴 躅 上戶頂切 貨 佗蓋切 康衢 上丘剛切

下烏瓜切 楔 私列切 千 居寒切 造 父 七上

剗 蝥 直立切 剗 數滑切

江府住玉泉軒成九居士信施淨財鏤  
本朝高僧傳卷四十三 茲冀  
上報四恩下資三有家道繁興種智圓明  
寶永丁亥佛成道之日  
濃州路加納盛德禪寺 知藏比丘 識

本撰述 本朝高僧傳卷之四十三

本朝高僧傳卷第四十四

本朝高僧傳卷第四十四  
淨禪三之二十六  
京兆妙心寺沙門端匡傳  
釋端匡字大雅從東陽于少林日陽示衆日宗門極  
則要在棒喝所以道識得拄杖子一生參學事畢久  
叅上土往往半青半黃衆中還無有渾錮打就生鐵  
鑄成底漢麼出來施爲棒下無生忍臨機不讓底商  
量看匡出云昨夜文殊普賢起佛見法見各與二十  
棒趨出了也陽日說甚麼文殊普賢匡日和尚也須

本朝高僧傳卷第四十四

濃州盛德沙門 師蠻 楔

淨禪三之二十六

京兆妙心寺沙門端匡傳

釋端匡字大雅從東陽于少林日陽示衆日宗門極  
則要在棒喝所以道識得拄杖子一生參學事畢久  
叅上土往往半青半黃衆中還無有渾錮打就生鐵  
鑄成底漢麼出來施爲棒下無生忍臨機不讓底商  
量看匡出云昨夜文殊普賢起佛見法見各與二十  
棒趨出了也陽日說甚麼文殊普賢匡日和尚也須

日本異記

本朝高僧傳卷之四十四

〇一

契一頓始得陽日過在何處匡日有一頓在陽呵呵  
大笑匡禮拜歸衆相繼據席永正三年夏住尾之瑞  
泉兩祖真前拈香偈云玲瓏層塔聳乾坤聊炷爛柴  
酬祖恩今古冤讐不回避依然左右又逢源尋出世  
妙心永正十五年四月二十六日示寂大仙門弟奉  
全身葬于寺後翌歲冬州亂衆慮賊發其塚將閣維  
之及啟壙定儀儼在舉扶火浴頂骨不壞人皆嘆異

京兆建仁寺沙門德昌傳

釋德昌字桂林又號薜菴五歲入東山稍長下髮周  
涉內外聲達當世嗣伯州安國和甫忍公爲寂室允

禪師之四世延德己酉出世建仁結制上堂四月十  
五日頭頂天腳踏地七月十五日腳踏地頭頂天窮  
其結解了不可得元來無結可結無解可解解亦不  
後結亦不前畢竟向結解未判已前會取作麼生是  
未判已前擊禪牀曰叟叟三十年解制上堂此事如  
青天白日增一絲毫則重減一絲毫則輕朝朝日自  
山頭出夜夜月在波心明個個人喫粥了也洗盃  
盂太也騰騰任運任運騰騰因什麼證龜作鼈截鶴  
續鳧切忌涉幾許途程今朝七月十五正是休夏自  
恣人人功成東行西行到這裏山僧無一法可施呈

何故是法住法位深樹啼黃鸝喝一喝日叡生也住  
建仁十回終於江州山上石頭菴有青松錄行于叢  
林余按昌未逢和甫而供嗣法之香此亦當時五嶽  
之藁弊也

京兆妙心寺沙門宗松傳

釋宗松字興宗承悟溪和尚之法鄧林解大德之印  
松繼視篆文龜三年十月奉旨翌歲二月入寺歷徒  
妙心龍安住尾之瑞泉周期退院上堂退鼓聲中下  
翠微秋風千里早知機蘆花淺水白鷗底也好擔泉  
帶月歸濃之郡主齊藤利國法諱剡州之大審寺聘

松爲第一世國民歸嚮大永二年六月二十一日寂  
春秋七十八敕諡大猷慈濟禪師

京兆建仁寺沙門永瑾傳

釋永瑾號雪嶺別稱識廬嗣九峰成公以華藻鳴叢  
林永正戊辰春住建仁指門曰十如十界法門重重  
喝一喝曰春雷纜一震雲雨東山起臥龍結制上堂  
諸方叢林是日結制人人踞菩薩乘個個修寂滅行  
以大圓覺爲我伽藍如魚在網而求活身心安居平  
等正智似鳥入籠而悲鳴吾這裏不涉佗安居護生  
全體如是而住全體如是而空縱橫卓厲如孫吳兵

且道恁麼修證與諸方結制相本多少拂一拂日露  
柱證明上堂雨前花開雨後花落自然妙理不得卜  
度以幽鳥作說真如是錯以燕子作談實相是錯以  
溪聲作廣長舌是錯以山色作清淨身是錯東山與  
麼說亦是錯何故開口便錯

京兆妙心寺沙門宗松傳

釋宗松字柏庭從景川禪師久參徑要一日開悟偈  
呈所見川爲證焉參州檀越創三玄寺松爲開山祖  
又尾之犬山縣開德聚寺兩處法會緝白歸信受輿  
請住洛之妙心文龜辛酉秋移尾之瑞泉指門曰正

眼流通不存規則喝一喝曰太施門開無壅塞住持  
三年便回三玄永正己巳春後柏原帝陞妙心之位  
賜紫方袍闔衆以松臘德共邵齋疏而請松已耆期  
殆應榮舉暨入寺日管領右京兆細川氏率士衛護  
開堂已畢詣闕謝恩解印歸休大永七年五月端午  
無病示寂壽齡九十有奇

京兆妙心寺沙門德樹傳

釋德樹字天蔭入東陽室多歷年所紹續法焰守養  
源之塔同門衆勸住尾之瑞泉拈衣語曰一頂金縷  
非長非短無易無難搭起日侍者倒卻門前刹竿著

奉詔興妙心秉杖拂僅一會趨退鼓上堂辭衆日挑燈祖室拂莓苔爲謝皇恩太卻來屋裡揚州存長物回首又見隔年梅構居聖澤院於本山側大永六年四月十六日化

京兆建仁寺沙門壽桂傳

釋壽桂字月舟別號幻雲江州人嗣法正中嘗座中嗣古先元公元入元嗣中峰和尚桂初住越之弘祥善應二寺永正間遷洛之建仁結制上堂大悟堂前望闕樓幾回作主此遲留雜華利界竹篔簹下圓覺伽藍柱杖頭紅藥著花春尚在黃梅綴子雨初收山僧

不結九旬網鳥自高飛魚自遊上堂拈拄杖日窻外梧桐樹昨夜已秋風願視大衆日蠟人冰鴉護雪爲甚僧夏未終卓一下桂視篆建仁二十五回晚居一萃菴天文二年臘八示寂有語錄并幻雲集

相州早雲寺沙門宗清傳

釋宗清字以天自稱機雪京兆人隨東海朝禪師于大德密傳心印永正未有詔住大德上堂拈拄杖日下頭嚮龍翱翔天下有時著香象玉袴高高峰頂獨立有時刷金師子衫深深海底橫眠說甚上載下載論甚表詮遮詮是故求著轉遠不求還在目前吐雲



雨氣養陰陽則天子以之作祥作瑞現奮迅力跳天門則衲僧以之說實說權銀山鐵壁誰設鑽研雖然恁麼今日開堂祝聖一句作麼生道卓一下日萬波聲歸海上千峰勢止齋邊後柏原帝聆其道價特賜正宗大隆禪師之號相州大守北條氏綱創金湯山早雲寺招清為開山始祖一日謂侍僧曰老僧滅後不要建塔聽吾偈日利界三千一塔婆骨頭節節也由他那須設利發光彩月在青天影在波少頃復書偈而化維時天文三年正月十九日也

京兆妙心寺沙門玄訥傳

釋玄訥字景堂山城州人自少親炙景川和尚參禪究決受囑踵跡住大心院開堂妙心進寺兩次後董尾之瑞泉據室日正當三五夜何處不嬋娟拈竹篋日者裏還有超物外底麼打案日令我憶南泉退院上堂叉手叮嚀離祖翁住山今日謝無功同行有個鳥藤杖不御鵬程九萬風徑旋大心緇素歸之如市冬至示衆舉古德日冬至月頭賣被買牛冬至月尾賣牛買被今年冬至在月中旬且道賣被便是賣牛便是自代日有利無利不離行市僧問如何是平等大心訥日一點梅花藥三千利界香天文十一年十

二月二十一日夜賊伺其室加刃傷病寺僧皆議當  
聞于官而捉賊訥聞之日此夙業所為非彼咎也慎  
勿誣官言訖辭世

京兆南禪寺沙門宗香傳

釋宗香字梅屋攝州兵庫縣人參香林簡公於龍山  
發明心地兼有外學有詔住南禪上堂以拂子打圓  
相日個大圓鏡照被十方本無定相體用全彰圓陀  
陀阿鞞鞴明歷歷露堂堂內外絕瑕翳頭頭無虧欠  
背面現影像物物不覆藏雖然與麼更有那下面即  
今拋向諸人面前顯露舉揚新長老以此報聖恩底

一句作麼生道拂一拂日萬里無雲海波穩一輪日  
出照扶桑

但州圓通寺沙門一東傳

釋一東字日菴一色持勝之子年甫九歲侍大蔭于  
棲真圓真以後寓但之宗源寺又登睿山習學台教  
真乘華屋禪師講楞嚴經學侶雲集東亦預聽講畢  
參景川隆和尚于大心川加痛剗多所策發太掌南  
禪記室文明末山名政豐延以但之圓通包笠填門  
年七十四終焉東嘗依虎關和尚五家辨作五派一  
滴圖舉道原夢堂虎關之所系分爲三段優于學者

捷覽相國橫川三公作序以稱之有嗣法春輝禪師  
住南禪

京兆大德寺沙門宗亘傳

釋宗亘字古嶽佐佐木氏江州蒲生郡人母感吉夢  
而孕四歲從父遊州之菩提寺住持笑菴授文殊五  
字咒一聞輒誦菴摩頂歎異八歲投嵩間寺義濟落  
髮授以法華八日終業濟歎曰之子聰敏後不可測  
亘問濟曰此外更有經典否濟曰五千餘卷溢龍宮  
充海藏亘曰誦之可得作佛否濟曰誦一大藏教心  
地不明則不可得亘曰心地如何明得濟便書教外

別傳不立文字直指人心見性成佛之句付之曰吾  
此禪宗以心傳心他自自悟太在亘心記不忘十一  
上洛依建仁喜足喙公十七受具典侍藥結制之節  
頭首兼拂亘出問話雲興登衆二十三叅春浦和尚  
于大德不契謁實傳真公于如意菴服勤二十年聞  
舉世尊拈華因緣言下契入傳舉德山托鉢話曰卽  
今代雪峰一句道看亘曰托鉢隨德山後傳代德山  
曰老僧被你勘破亘代雪峰曰某甲卻被和尚勘破  
傳曰代德山又作麼生亘曰把手共歸方丈傳寫之  
付印記曰你見地明白久矣然到于今不授記疏者

大燈國師曰雖伶俐衲子一旦悟入不輕許可佗時  
證人則須隨上祖之訓也永正六年秋奉旨出世大  
德據室捧救黃云這是大乘皇帝說了三世諸佛出  
世本懷底太陀羅尼經二千年後流傳至吾菩薩天  
子今日九重天上紫鳳銜來度與個禿屢生俗翻譯  
於虛空口付宣揚於海潮聲拈衣云西天金縷付慈  
氏東山屈叻止曹溪舉衣云看看吾祖翁別放開一  
線路虛空無縫罅拈作一伽黎上堂虛堂和尚住育  
王當晚小叅今夜略太佛法玄妙機關單單與諸人  
說些細大法門以表進寺識面之初諸人又不可作

等閑入在情識裏胡卜亂卜大小虛堂未審呼什麼  
爲細大法門雖然恁麼山僧今夜表進寺識面之一  
句如何品目拂一拂云堂前一椀夜明燈簾外數竿  
清瘦竹退居大仙菴名公鉅卿問道者多丞相義植  
源公黃門侍郎藤房冬羽林次將藤公光是其首也  
至受衣盂法號者不可勝記焉後和原帝聞且聲望  
特賜佛心正統禪師後奈良帝卽位詔且入宮待以  
師禮御問不絕敕許著帽子御對肩輿入宮重賜正  
法大聖國師天文十七年夏五示有老病六月大漸  
帝遣藤原相尹豐問疾二十四日起坐書偈日拄杖

覓末後句倒擲萬仞龍峰請汝試卓破看滅卻臨濟  
正宗拋筆而化壽八十四臘六十八復救藤亞相賜  
金剛經及青銅錢若干緡以資喪儀門人昇全身葬  
乎本菴北隅立塔其上植之以松崗曰松關

京兆妙心寺沙門宗休傳

釋宗休號大休不詳姓氏妙齡入東福永明菴鬚染  
進戒普見山中知識學業出眾後參特芳和尚于龍  
安密受宗記永正初奉敕黃出世妙心冬至上堂欲  
識佛性義理當觀時節因緣作麼生是時節因緣冬  
至在月頭則賣被買牛木人倒吹葭管冬至在月尾

則賣牛買被牧童遙指金鞭僧堂今朝掛著慈明榜  
普座昨夜撥退洞山禪塞北天寒牡丹開雪內江南  
地暖梅花綻臘前拈拄杖日正與麼時諸人還委悉  
佛性麼卓一下曰大樹大皮裹小樹小皮纏復舉古  
德冬至上堂曰恁麼也是不恁麼也是恁麼也不是  
不恁麼也不是恁麼不恁麼總不是何故如此陽氣  
發生無礙地拈曰古德提要強判鴻蒙兩處失功窮  
則變變則通清風拂明月明月拂清風卜法山側掘  
靈雲院解印退居駿州太守今川義元聞休道聲敦  
請以州之臨濟寺雲水之徒輻湊輪下再住洛之妙

心尋移尾之瑞泉間一歲歸舊院禪餘開講方袍摺  
紳趨陪爭席後奈良帝召休問法奏對稱旨帝啟睿  
襟執弟子禮屢召參訊帝有契人特賜圓滿本火國  
師之號天文十八年七月二十四日趺坐而化壽八  
十二樹塔靈雲

京兆妙心寺沙門慶浚傳

釋慶浚字明叔幼依景堂和尚稟戒已後雲遊諸方  
歸省景堂精一叩求入室欲呈問堂震威一喝浚脫  
然悟人呈偈得證出遊甲之慧林寺久無主浚見門  
庭荒落將一新之餅錫脩然極其枯淡慧福兼修百

廢其舉海衆推爲中興之祖太居濃之愚溪州族藤  
景前聘補大圓上堂真諦俗諦不涉二路祖意放意  
遍布大千所以卽處開五五圓通門接入鮑魚肆平  
池現重重華藏海敷設龍象筵荷葉蓮華全機獨脫  
蓮華荷葉公案現成驀拈拄杖曰雖然與麼今日開  
堂祝聖一向作麼生敷宣卓一下日續焰聯芳億萬  
斯年奉詔興妙心住尾之瑞泉移居大心院天文二  
十一年八月二十七日化

京兆妙心寺沙門崇孚傳

釋崇孚號太原駿州太守今川氏親之子也自幼入

洛之建仁爲僧號雪齋綜覈內外居西堂位向慕大  
休和尚道風參問稍久打破漆桶作偈曰平生底不  
受佗瞞大地都盧鐵一團劈破將來無寸土三更紅  
日黑漫漫亟趨呈大休休徵曰如何是平生底不受  
佗瞞孚曰會分八字休曰如何是大地都盧鐵一團  
孚曰上透霄漢下徹黃泉休曰爲什麼無寸土孚曰  
大千捏聚休曰三更紅日黑漫漫時如何孚便喝休  
燒香證明出世妙心住駿州臨濟太守源義元營善  
德寺延孚爲國開堂說法遐邇悅豫安衆千指上堂  
黃面老子向百萬衆前以佛法付囑國王大臣有力  
檀那有力者何也戒力定力慧力神力事已繁多羅  
漢以感通爲力菩薩以慈悲爲力諸佛以妙用爲力  
各有階差釋迦已太彌勒未來吾大檀越乘此中和  
不以國守權勢爲力只營寺院以崇僧伽俗修造手  
於孚上座大小僧房如綴蜜窠於是人人以得穩坐  
地個個以爲安樂寫是故殿堂落成之日白日忽雨  
曼陀非信力堅固焉能得如斯麼且道付國王大臣  
底佛法不涉感通慈悲妙用又且如何拈拄杖卓一  
下曰三段不同收歸上科孚以弘治元年十月十日  
寂於臨濟寺不詳其壽臘敕謚審珠護國禪師

京兆妙心寺沙門禪愉傳

釋禪愉號龜年源姓遠山之族平安城人蚤歲禮特芳和尚下髮染衣納戒以後遊徧諸山親近桂月舟瑾雪嶺于建仁二師以英物稱焉既回靈雲依大休國師傳續祖燈出世本山號令六載巨播宗乘元旦上堂垂語擊拂子云左邊麒麟現右邊鳳凰儀要知中間事麼蘭薰罷叅太公梅香入室來大燈國師忌拈香偈曰大燈高照日東禪毒氣傷人二百年今日一吹吹滅了梅花初綻雪中天澧州大智寺默宗淵公瑞世法山愉製同門疏曰正法山正法海臥龍和尚

開堂大智曰大智雲靈鷲祖翁出世百花園菓一夢兩覺萬松嶺上寸步不移共惟密啟雷轟迅機電捲默時說說時默孫思邈不二維摩詩中禪禪中詩陶靖節第一達磨集鳳皇於東海探虎穴於南方松源運菴曼玉鏘金同聲相應楊岐九峰彙粹拽把衆角雖多一喝提金剛王九旬驗鐵彈子隨處作主易地皆然高枕遠江之聲鷗朋鷺友結社對牀連夜之語鶴兒鶻弟在原後奈良帝素受大休之屬相繼崇愉恩遇甚至屢宣問法特賜照天祖鑑國師之號每有歲時朝覲待愉之至後許化師之入內暮年謝事逸



居退藏院永祿四年十二月十三日遷化于本院

京兆妙心寺沙門玄密傳

釋玄密字希菴弱禮月谷岫禪師得度建仁依雪嶺  
瑾公傍習文墨馳英才名棄太東濃叅明叔和尚于  
愚溪從前所學一字用不得虛已求心達得宗訣從  
叔付命居大心院藤景前聘請住濃之明覺山登座  
拈懷中香云這小木櫛初托本根於東山下左邊底  
前建仁月谷老禪禪林中長枝葉於前南禪雪嶺古  
佛佛土末後業風吹撞入大智山上明叔和尚室中  
無端觸著佗辛辣手驀地被拗折直得七花八裂從

前餘薰一點也無因棒喝雷雨之奔施結惡冤果爾  
來祕在懷抱者二十年矣即今拈出人天衆前欲爲  
月谷則月谷爲我太賒欲爲雪嶺則雪嶺爲我太孤  
不如熬卻甕爐供養前住妙心當山中與明叔老漢  
以酬法乳之恩一時禪客瞻風會同永祿末奉敕興  
正法山上堂舉曹山因僧問佛未出世時如何日曹  
山不如問出世後如何日不如曹山拈曰這僧問端  
千人排門曹山答處一人拔關今日有人致恁麼問  
便與佗出世三十棒未出世三十棒密住妙心前後  
五回聲價高都下兒童走來莫不知之甲州太守源

晴信

武田氏法諱信玄

請以慧林密堅辭不起使者三返無

已入寺止堂舉法雲善禪師開堂僧問和尚今日開筵如何演說禪師曰雲綻家家月春來處處花拈云學者問端燕金無價禪師答處趙壁無瑕新慧林若有人致恁麼問如何祇對拂一拂云竹隱相逢無別事大家同喫趙州茶禪流駢集檀信日盛告老餞眾復還明覺爾後屢招不赴作偈謝守曰老來一枕黑甜餘使者敲門頻起予但恨風流賢守識閑名幾度上除書文龜元年中冬二十七日賊黨窺室委順而寂無何其黨皆發狂死云

京兆大德寺沙門宗套傳

釋宗套字大林平安城中藤姓冠纓入天龍天源院拜肅元嚴禪師就牝列早善華什長掌大藏一朝猛省日文章一小技不若尋明師決擇大事參東溪和尚于大德依玉英同公于勢陽後到古嶽和尚會裏嶽一日受請陞座舉南泉斬猫話日管日南泉斬猫兒與今日檀越供養大眾是同是別套出眾日洞山設愚癡齋嶽日意旨作麼生套日一生二嶽日畢竟落在甚處套日水到瀟湘一樣清嶽打日斷頭船子下揚州酬唱相投嶽付大林號作頌證之轉第一座

居京之德禪泉之南宗菴天文七年春有詔住大德  
上堂舉大燈國師上堂僧問一峰雲片片雙澗水潺  
潺莫此二千年前消息麼燈曰認著卻不是拈曰者  
僧問端下和抱璞國師答處野人斲鼻若有人致恁  
麼問祇對佗道好事不如無套至雲門菴拜祖塔次  
有僧出問如何是雲門一曲套日座中盡是江南客  
莫向樽前唱鷓鴣嶽聞之大稱焉天文辛丑春歸泉  
南開栽松軒筑前刺史三好長慶屢訪禪關崇信歸  
敬其家族子弟欽風者多此時長慶握弄重兵願揮  
畿內過寺四封則必下馬弘治丙辰改南宗菴移地

新營請套爲開山祖涓日集衆開堂慶讚今南宗寺  
是也後奈良帝特賜佛印圓證禪師之號永祿十一  
年正月二十七日化壽八十有九臘七十三正親町  
帝重賜正覺普通國師

常州福泉寺沙門殘夢傳

釋殘夢或號雲山不詳其嗣承永祿中遊化關東住  
常州福泉寺東睿山慈眼大師少時逢夢聽禪要後  
詣入日吾叅殘夢和尚而得長生之術矣于都宮興  
禪寺物外播公包笠之時謁夢有問答往返常陸州  
民月之六齋郡邑之市往往見之其顏貌如可七十

孝天正四年三月二十九日至夜二更無病俄化少  
頃蘇生呼筆書偈日臨在無間五逆聞雷喝下瞎驢  
以眼豁開喝一喝擲筆長往壽秩一百三十有九顏  
色軟潤不與常異國中四衆香華奔瞻  
贊曰余歸自水戶俗路鹿島過福泉寺歷覽殿裡有  
十六世殘夢和尚之牌以出佛法陵夷之秋無人知  
之觀其公住自由實大解脫之人也頃世儒生之言  
殘夢平生好飯枸杞天海學之至以長生矣夫域外  
之人神完心安浩氣充實自致長壽何有所不足而  
外假藥餌之力耶以拘牽之見妄意推測始不成二

師之趣處焉

甲州慧林寺沙門紹喜傳

釋紹喜字快川生于濃之士岐氏承法仁岫壽禪師  
宗機偉淵氣宇高尚出世妙心住本州崇福寺太守  
藤義龍昏惑不敬喜拂衣如甲太守源晴信素聞其  
名迎請住慧林寺禮遇甚腆挈包之徒盈二千指上  
堂舉永興祿禪師開堂僧問闍王請師出世未委今  
日一會何以靈山祿日徹古傳今若是山僧即對花  
道瞎驢不受靈山記正親町帝聞其偉望特賜大通  
智勝國師之號闍國益靡風與希菴密公齊其價名

矣天正壬午春平信長父子與府守源勝賴有隙攻  
 拔城壘全家潰滅府內禪衲會慧林寺相議曰國已  
 所奪外護覆亡有何面目出見佗人乎平氏請見喜  
 冑不出偶江州太守佐木義弼作敗軍將羈食在  
 府竊脫依喜轉逃北國平氏大怒遣武夫數百人驅  
 山中衆趨上三門門下積薪四面放火士卒持戟露  
 刃四立森如竹塢霽泉寺雪峰存東光寺藍田青長  
 禪寺高山壽等及學者一百餘人皆整威儀在烟焰  
 中依位而坐喜據座垂語曰諸人即今向火焰裏如  
 何轉大法輪公各著一轉語為末後句衆皆下語喜

代日安禪不必須山水滅卻心頭火自涼猛火著衣  
 恬然不動與衆定化實天正十年四月三日也  
 贊日先達或雖有逢無道之主為橫賊之害而隕命  
 者未聞如平氏之慘毒亦未有若快川國師坐火力  
 堆撥轉法輪千餘指佛子俱入火炎三昧者夫業有  
 現順順後二而報必不忒焉平氏僅踰兩月軍寄洛  
 寺為家臣行篡逆所圍而歿小臣焚蕩佛廬以灰  
 其屍矣胡居現業之甚速耶喜公能歿千載平氏遺  
 惡後代雖夢幻塵世業感其舍諸

京兆妙心寺沙門玄津傳

釋玄津字月航平安城人視象妙心遷駁之清見應  
 請住常州筑波山禪源寺里民開永興寺津為始祖  
 化門廣運翕然挹風會津太守聘權輿德寺上堂曰  
 宗門禪判官家有一柄審劍不是鍛別鐵無復礪越  
 砥開作家爐鞠下惡辣錡鎚臨濟喚作金剛王則豎  
 靜三邊德山呼為木居士則橫絕八夷鐵蛇鑽不入  
 裂破魔網不懸寸絲到這裡觀音袒手倒騎鐵馬文  
 殊畫眉坐跨金獅直饒誓度羣生或為諸佛師未為  
 太奇住山鉗斧皮膚脫盡其體甚離彼為龍非龍如  
 牛非牛信口阿佛罵祖蓋以佛法不掛口唇皮曾不

墜大雄叢規諸人還見麼三千禮樂在十毛頭上人  
 絃金氣浮撚牡丹鐵牛髭復舉如來無上正法付囑  
 諸國王大臣宰相及四部眾祖師禪不然吾宗無語  
 句更無一語與人何故梅瘦占春少庭寬得月多大  
 休遷化津守靈雲之塔天正十四年七月十一日罹  
 老病書偈而化壽齡九十有餘特賜普濟英宗禪師  
 京兆妙心寺沙門宗興傳

釋宗興字南化一栴氏濃州人從本州邦叔楨公圓  
 頂納戒學內外書通曉禪教後入京輦請益者宿隨  
 侍快川于崇福慧林傳佛心印州將稻葉一鐵捩濃

日本書紀 本朝高僧傳卷之四十四

之花溪延興唱禪參徒雲集名播諸方天正初奉敕出世妙心上堂與南禪遇緣禪師開堂之日有一官人問日和尚恁麼後生爲什麼卻稱尊宿禪師曰千歲唯言朱頂鶴朝生便是鳳凰兒拈云禪師答處雖答得妙猶有帶人我見今日若有人向法山致恁麼問祇對佗道拂一拂喫茶珍重歇即詣闕謝恩咫尺天顏天正十八年冬應尾州妙興之請寺垂百等主法乏人殿堂荒涼鐘魚瘖久興至修廢負荷爲任大閤豐臣秀吉公宏建洛南祥雲寺開興道望迎爲開山祖有衆千指僧規濟濟達磨忌上堂七條纏裹三

千界隻履踏翻四百州版築英雄少林祖梁江魏海汝爲舟垂示云龐行婆入鹿苑設齋維那問意旨婆卽拈梳子拂向髻後曰回向了也行婆作略在那裏代云一毫端現審主利微塵裏轉大法輪後陽成帝名興禁中問卽心卽佛話帝心有契祖意恩問相續郡國豪武向風歸法各營墳院聘摯頻至土佐太守藤忠義創大通院右京兆少尹稻葉貞通建智勝院淡州刺史脇坂安治劫鄰花院並興法山稱第六代慶長九年夏以微恙移鄰花院五月二十日安庠告寂壽六十七封于無礙塔翼歲周忌內降奎章

載傳一  
燈錄

日本書紀 本朝高僧傳卷之四十四

日本書紀 本朝高僧傳卷之四十四

聖帝 準在日之報恩特賜定慧圓明國師章

濃州大仙寺沙門東定傳

釋東定字愚堂本州伊良縣伊藤氏子在幼敏黠記誦梵咒入東炎寺侍瑞雲禪師十三披髮十九遊方在播之三友寺南景岳會裏一夜坐至三更有省謁說心宜于清見物外播于興禪共居版首又叅鐵山鈍于臨濟天長長于備前大安聖澤庸山庸間定舊叅呼來相看問叅得事定打一坐具山罵曰恁麼見解何稱禪客寔退不憤勵力推窮復夜入後林危坐達旦蚊蚋噬肌不覺痛痒受山印記分座法山應

稻葉氏之招出住東濃正傳州之太仙寺乃祖東陽和尚演法之場廢頽歷年寔與檀越謀移地北山再造移居寬永五年奉教董妙心前後三遷達磨忌示衆少林管日安禪地雨洗風磨石亦泯只有梅花枝上月夜深寫出祖師真歲日上堂拈拄杖曰橫川其禪師歲首上堂云舊年說話新年說話一法從萬法生萬法無一法實橫川與麼說話事理已分明山僧新年不要說話何故卓一下云官梅翻粉發清香御柳搖金抽淺黃品物春來漏消息更無一法可商量解夏上堂長期短期日上月下結制解制物換星移

日本書紀 本朝高僧傳卷之四十四



安居功成自恣日至諸禪德欲向什麼處公記得來  
 時路麼以拄杖畫一畫云還會麼其或未然秋風吹  
 渭水落葉滿長安復舉虛堂和尚解夏小叅云靈山  
 結夏結本不曾結與聖解夏解亦不曾解解結既無  
 拘公來無作相正法門下別不用結解之二字何故  
 時節已至其理自彰更賦一偈辭大衆太公年年改換  
 往來人何事二回預勝倫項上鐵枷今日脫山林城  
 市自由身後水尾太上皇召對便殿宣問禪要上  
 皇語源亞相通杜院中日寔道貌峻言辭清悟解可知  
 又日今時碧眼胡也詔就于清涼殿敷法座行等室

事是日兩宮垂簾百僚排班教寺門院五嶽耆英會  
 同列聽寔舉天親問無著因緣勘驗衲子橫機電掣  
 實宗門盛舉也皇情大悅內賜官茶御果翌日遣中  
 使賜僧伽梨一日宣問日迷人與悟人外後如何寔  
 日不識上皇日因何不識寔日山僧未外聖心因搖  
 重奏本分一著睿機猶豫寔打座日有什麼疑著上  
 皇有省屢召仙宮隆遇寵炎至離御座聽法恩免冬  
 月著帽皇太后亦問法禮信齡登八表對御玄談困  
 倒龍座側鼻息齁齁既寤從容謝恩而退明曆初帝  
 召內禁問宗門旨奏對審恪上傾玉冕寔容貌魁偉

日本書紀 本朝高僧傳卷之四十四  
橫額豐鼻耳輪厚而長眼眶稜而尖見者心服胸宇  
恢廓毀譽不動與人夜話必達味且說人之短則不  
聞者之爲舉人之善則擊節而稱貴介達官至村翁  
販婦奔謁瞻禮所在旁午大樹家光源公延見府中  
寔日大樹名老僧有何用處源公不容稱之左右太  
和太守松平氏某請問法要寔日求法作什麼守無  
對就參禪肥後太守保科定之招寔私館摻手延座  
有儒士問日夫雷吾家以爲陰陽所致不知佛家爲  
何寔敲背後步障而作聲日轟轟轟當如斯也士籍  
口退守聞之日真禪師也主殿頭石川忠綱建龍翔

精廬出雲刺史溝口氏某市正松平親英內藏助谷  
氏某相俱捨財勅正燈寺二刹在武陽遲寔遊化邀  
招居之親英復豐後采邑開養德寺請寔爲開祖寔  
又開勢之中山寺濃之高井寺其餘數字門弟檀越  
奉爲第十一世不殫記焉萬治二年丁妙心開山國師  
三百年回一衆主議門派戮力鼎建法堂預消季秋  
月請五嶽諸刹之雲衆設大會齋寔爲導首拈香唱  
偈日二十四流日本禪僧哉大半失其傳關山幸有  
兒孫在續焰聯芳三百年晚居城之華山寺一日微  
疾自書遺誡數條及辭世偈日今日利益老僧稍存

日本書紀 本朝高僧傳卷之四  
佗自利益付囑兒孫四方問病者絡繹不絕侍者問  
尊候如何寔曰老僧肚裏無病欠伸一聲泊然就化  
時寬文元年十月初一日也世齡八十三法臘七十  
窶全身於獅窟東北之隅日本瑞塔其嗣法弟子紫  
方袍者八人分本山第一座者六人僧尼優婆塞優  
婆夷受持法語安名號者不記幾千人矣賜諡大圓  
審鑑國師

贊曰宗門傳此方大率有二十四流才至五六世其  
法寢衰或流乎文字辭章之末或囿乎知解計較之  
中而失本源者多幾乎二百餘載矣審鑑國師出於

祖道乾枯之秋主盟大法於是雲居膺大愚築一節  
守諸師相繼而出宗風起禪化行此又國師先倡之  
績也且夫假寐于降龍之傍鼻雷震天闕者世復稀  
聞管育王崇祐禪師明太祖屢召對或時假寐鼻息  
有聲鄰坐引裾覺之太祖嘆曰此老人無機心誠善  
知識也與國師之舉廢有遺類矣法山有四流而東  
陽一脈爲寂寥焉暨乎國師之出支派浩泝可稱聖  
澤下之中興焉乎哉

武州東海寺沙門宗彭傳

釋宗彭號澤菴但之出石邑人三浦介平義明之後

也父能登刺史秋庭綱典仕山名家彭十歲投郡寺  
習淨業及十五歲入宗鏡寺從希先西堂得度學禪  
先妙心龜年愉之門人歸寂之後掛錫大德請益春  
屋國師又往泉之大安待真如文西仁是時一凍和  
尚居陽春及南宗屢敲密室遂作跨竈分座大德前  
後住洛之德禪太仙泉之南宗慶長己酉出世大德  
住山三日搥鼓退席豐臣秀賴公招之不赴越中刺  
史細川忠興豐前治邑勅一精舍三請不就筑前刺  
史以宰府崇福招亦卻聘後陽成帝詔赴闕辭免乙  
卯之寇南宗罹災彭竭力鼎新但之宗鏡亦火于兵

彭說郡主小出吉英興瓦礫場新安開山大道以禪  
師像慶讚陞座寺衆德彭掃室延請彭公不顧隨緣  
放曠寬永己巳因事謫羽州大德玉室珀妙心單傳  
印東源寅同配棚倉由利津輕之三處謫居四歲得  
看俱還後水尾太上皇召仙闕問法又講原人論  
此書備明人身本末因果始終彭破斷見而演真詮  
大稱皇情恩賜有優加以國師之號彭奏言臣僧蕪  
穢有損聖明吾祖徹翁未蒙榮膺回此寵光休揚先  
德上皇嘉納特灑奎章重益徹翁賜天應大現國師  
先是太將軍家光源公相攸武之品川創營東海巨

利己亦春命彭住持爲開山祖莊田若干以寄香廚  
彭每謁人乞太德妙心出世之事一日台命日出世  
開堂其餘典刑當齊委之彭曰貧道暮景已逼爭堪  
重任不欲榮聞惜法社衰耳太樹默止辛巳季春得  
命復舊救解之勞實憑彭力受王公信澹然自處溫  
慈濟物中無親疎至論祖教片言不讓尊卑齊敬見  
者歸慕四品拾遺細川炎尚肥後治內建妙解寺但  
州刺史柳生宗矩和之采地勅芳德寺泉南土人谷  
氏宗印建祥雲寺皆以彭擬爲第一代一夜台旃入  
萬松山告彭日和尚年尊未有嗣法我意迦葉於佛

亦猶蠅附驥尾以其法相承至于今羣生蒙益會中  
若有省悟底者須許可以紹續慧命彭退語曰台命  
至重而吾無心相續也正保甲申上皇召諭曰蓋夫  
正法難相續而易泯滅矣嘗聞卿將斷絕法孫朕常  
感焉門弟之中擇發明士付囑正法當爲世間之眼  
也彭謝天恩退乙酉夏彭畫一圓相自下一點用擬  
寫照裝褙一幅置在于東海及南宗自書其上曰仰  
嶠已燒六代圓相龍爪蒼海重錄九十九箇蛙輾泥  
沙南泉曾畫一圓相歸宗坐其中麻谷作女人拜趙  
璧元無瑕類相如漫誑秦家今此圓相包天地無外

窮塵利無涯無邊世界如麥似豆此裡衆生似粟如  
麻九流分列門戶六藝起修離色彼爭麟鳳此決龍  
蛇人物是太敝俊乂亦不些十方薩埵列星宿五百  
羅漢出雲霞我爲其主張法王法身全體顯諸人見  
我麼時雖中間不待後進彌勒不慕前來釋迦阿難  
捧寶蓋迦葉抱袈裟宗彭杜多卻增聲價阿闍世王  
妄起嘆嗟不尊文殊師頻呼衣蒲童子課湯果不窺  
維摩詰急引金粟如來役飭茶下方聲聞侍我履四  
果聖者御我車有意氣時添意氣請看閻羅老斫額  
以望我冥官等踊躍如得爹我猶乘勢縛獄卒施杻

械捉憤鬼負鐵枷五逆衆生打野喜奈落罪人得時  
誇快然快然我這裏今日萬般已治藥病相瘳佳衲  
子只莫所取無好底法莫所捨無嫌底法若任違順  
境家山路猶賒噫此法從前絕等坐求中止者落邊  
邪佛經祖傳錄方語點檢將來空裡奉彭謂人日諸  
方唱末後句山僧杜口而太仲冬老病台府賜醫日  
問劇安臘月十一日衆頻乞偈彭書夢字拋毫坐化  
世齡七十三法臘五十七豫誠徒日全身打疊可掩  
土太營齋立牌安像掛真年譜誌狀一切禁之門人  
遵命收寺之西北焉

贊日釋迦出世為論太事也達磨西來欲示見性也  
 若無迦葉慧可則佛祖空蓋棺而已賴得付囑千燈  
 遞傳而師資嚴密不容毫髮奈何季世斯道墜地冬  
 爪印椽欄拂動以定授受澤菴和尚嘗懲如此慎重  
 祖風遂斷其嗣焉嗚呼守古之道不蹈覆轍者也歟  
 暨其以寵章讓于乃祖減卻江南行言師之聲華矣

本朝高僧傳卷第四十四

音訓

鋼 居郎切 壅 於容切 瘠 奴登切 訥 奴骨切 覆 敷救切  
 肆 息恣切 市 窩 烏禾切 斲 竹角切 壘 魯偉切 戟 吉逆切  
 齧 齧之舍也 袞 同秩 販 方諫切 慘 所斬切 窶 昌瑞切 淝 古汗切  
 抓 側絞切 敎 之豉切 瘰 楚懈切 病瘰也

本朝高僧傳卷之四十四

江府住玉泉軒成九居士信施淨財鏤

本朝高僧傳卷四十四 茲冀

上報四恩下資三有家道繁興種智圓明

寶永丁亥佛成道之日

濃州路加納盛德禪寺 知藏比丘 識

本朝高僧傳卷第四十五

濃州盛德沙門 師蠻 撰

淨禪三之二十七

武州東禪寺沙門崇六傳

釋崇六號嶺南守永氏日州飮肥人父母祈觀音太  
土而生自幼俊秀歸慕禪門依郡之角隱西堂志學  
剃髮往佐土原侍定山慧和尚上南北京聞坐別教  
到駿之清見寺講說心宜禪師復歸京師掛錫大心  
院隨彭澤恩和尚喫緊參究獲恩印付分座妙心將  
遊東武其夜觀音大士夢告曰我在攝州大坂某商

日本書紀 本朝高僧傳卷之四十五



日本書紀 本朝高僧傳卷之四十五  
家長往南津尋商家所太士果立活套物中購求泊  
桑奈津伊勢兵部某在船相語大悅及還東府兵部  
先价送飫肥郡守伊藤祐慶之館祐慶埽第盛遇甚  
敬府西櫻田創東禪寺請爲開山高唱宗乘海衆千  
指侯伯禮謁檀施日豐衆勸出世賜紫方袍一日參  
徒遊增上寺闍步堂上寺衆叱之相成煩言徵難宗  
義有玄昌者逐問答破衆惡辯利手毆裂衣六聞之  
日是不可舍將由公府論決宗且投束寺主先告其  
事觀智國師書報以勾下黨輩七十四人之名褫衣  
追察寬永之初應妙心之輪請開堂祝聖敕使賁臨

入山門云東禪獅子再跨正法門大衆聞麼一聲  
吼震乾坤喝一喝佛殿前釋迦後彌勒是什麼假名  
底別別真佛無形真道無體翌歲自恣之日上堂辭  
衆云只合終身居艸菴一回何幸住名藍老梅含蕊  
待吾久又伴烏藤歸嶺南下座自擊鼓荷拄杖歸佛  
日山其後相攸移寺芝縣門通大道下視大海營治  
小堂安觀音像櫻田之舊址於今俗呼嶺南坂寬永  
二十年七月二十七日得小疾委付後事於定州陶  
公安然而化齡六十一葬寺之西塔扁曹溪出法嗣  
二十二人其中賜紫沙門五人琉球國揚化者一人

剃度弟子六十餘人明年六月賜諡大天法鑑禪師

奧州瑞巖寺沙門希膺傳

釋希膺號雲居源姓土州畑人慕禪沂洛入大德寺

從賢國良剃染納戒掛搭妙心侍一宙和尚于蟠桃

院勇士增直之避亂在院察膺實踐給與飯錢俾其

徧叅元和乙卯增氏應募入大坂城潛訪增氏欲同

條死畱營數日本寺喚回或人訴曰膺黨增氏軍吏

捕之徧歷在外追逮一宙膺聞亟回自到尹廳而就

囚源君聞而曰義之所存雖沙門亦當然也共許返

山承宙印記分座法山遊化若州小濱初寺唱禪府

主歸向偶有沮者即畱一偈曰二毒生時雙眼暗萬

緣脫處下身安衲僧行李只如是傘下杖頭天地寬

徑適豫之松山太守加藤氏聞法因勸出世妙心嗣

子無度遂復棄公隱攝之勝尾山後水尾上皇仙宮

召對恩遇至渥即日還山再詔不出奧州太守伊達

正宗招以瑞巖二請不往其子忠宗以父遺命聘請

不已膺幡然自負複子行據瑞岩室太守郊迎雲衲

翕集僧規有序鐘鼓改聲正保二年秋受輪請住妙

心結制上堂踞菩薩乘修寂滅行法本法無法同人

清淨實相住持無法法亦法以大圓覺為我伽藍今

付無法時身心安居平等性智法法何曾法有心而  
安居豈是妙心無法而住持實是正法同入清淨作  
麼生住持無作無止無任滅身心安居是什麼性智  
非體非相非心法無見一性是見性不說一法真說  
法人人具足個個圓成歷代列祖因什麼論見性頭  
頭顯露物物全真三世諸佛因什麼解說法側有在  
杖子出云恁麼恁麼邪人說正法正法成邪法不恁  
麼不恁麼正人說邪法邪法成正法寧將此身代衆  
生入地獄道眼不精明莫爲佗說法卓拄杖一下云  
心存且想正憶念還同如來常住法舉六祖大鑑禪

師偈曰兀兀不修善騰騰不造惡蕩蕩離見聞寂寂  
心無著若有此箇漢向者裏薦得可謂日日禪談教  
話未曾說一法夜夜禪誦禮懺未曾行一事節節錦  
衣繡服未曾掛一縷時時餚餚飲食未曾喫一味處  
處遊化經行未曾進一步直饒是呵諸佛菩薩罵羅  
漢辟支有什麼過惡雖然如是欲得不招無間業莫  
謗如來正法輪卓拄杖一下云是什麼解夏上堂說  
偈辭衆曰佛祖深恩嘗欲酬這回卻作阿毘由英靈  
德望如雲湧檀越颯施似水流廣堂高閣多憂畏破  
笠瘦筇任太雷只願滿山諸大老聖胎長養保春秋

洛陽路上意忙了萬里身閑東奧州散瑞巖席居祥  
巖寺常上山菴不出旬餘通宵禪坐白鹿馴穢後西  
院帝特賜慈光不昧禪師之號萬治二年值圓成國  
師三百年忌將登法山炷拜塔下門弟國老難遠涉  
勞強柅其行膺快然止乃在山菴從八月朔書佛菩  
薩之名號古德之語分與諸檀又封一紙遺屬侍者  
八日當午忽下祥巖擊鐘數杵復回山菴衆皆驚訝  
入菴問訊端坐爲衆說出離之始卒畢悠然而化顏  
采紅潤頂肉煖氣越宿不盡侍者啟封有遺偈曰後  
釋迦文出生先阿逸多入滅滅生二佛中間非是生

非是滅寔于白鹿山頭壽七十七膺道骨如石與世  
無營爾不與馬終身不近平居不用茵枕夏夜不設  
幃帳遷化之前異鳥悲鳴凶星隕室嗣法上足賜紫  
四人琉球僧住本國圓覺王賜紫袈裟者一人表率  
法出成一方之師者十人受三歸五戒者不知幾百  
人矣

贊曰義與仁序倫而道品之所成僧而無義則不能  
了大事矣雲居禪師初太邑主之不義逢累入勝尾  
山中出權大利亦不變塞其戒體之不餒也禪心之  
增嚴也頃世誰能及高躅之髣髴乎余曩在江府東

禪見師應妙心之請而赴京棉衣艸屨無一重擔率  
四五輩輕輕而行若使淡衣司馬公瞰之行履必仰  
謙光何亦不識荆而歸家乎

越前大安寺沙門宗築傳

釋宗築號大愚武藤氏濃州武儀郡人自兒志氣出  
羣十一入郡之乾德寺得度狀元老禪稍過冠歲參  
侍一宙和尚于雜華院嗣智門祚任第一座元和初  
武江諸士建南泉寺請築為主婆子喪兒來請秉炬  
婆問幸蒙慈悲我子何之築不能答婆痛哭太築曰  
將謂自得被婆子問不知落處住院何爲棄公行脚

過檜原峰逢一道人問詰數返語路栗棘進退惟谷  
築益發憤疑情堆山直到參州須瀨盤結艸菴影不  
出局又移江州堀田信濃守某迎建圓鏡小院一夜  
工夫頓破從前未了冰消諸方有志拋文字禪道聚  
山房士尼混坐流言囂囂本寺默擯衆欲訴之築曰  
法盛則魔盛時節至理自彰若訟公府早是汚我宗  
了以信士勸乃如丹州住慧日寺山門佛殿巡見一  
市據方丈云澗山幽邃正好棲遲因作偈曰夏無朝  
市累何有是非爭秋掃溪邊葉春聞樹下鶯常默禱  
云見處是則諸佛列祖爲我冥證不是則直下蒙罰

又作偈曰春到人間廣大慈一花擎出一如來無端  
殘雪消鎔盡萬象森羅齊展眉於是舊叅相聚築復  
罵辱不假人情除夕告衆曰舊臘已盡新年將到汝  
等諸人不改舊時面如何又逢春枯棒趕出元旦築  
自鳴鐘擊板祝聖說偈曰水繞山圍獅子窟更無異  
獸搔足處冰花一片大丈夫春風入門推不忒明關  
哲公朝鮮人妙心派下名衲宗乘爲念居和州吉野  
山問行脚僧嘗逢明眼耶僧曰大愚和尚辛辣麤暴  
罵詈諸方出言無方因測崖際關曰是真師友卽日  
往見如舊相識關後在勢州坐椅遷化顏色二日不

變云寬永丙寅以天海僧止之言復于本籍拜微笑  
塔燒香偈曰不是鴟鴞不鳳凰實能伏窟實翱翔應  
時節曲不藏直人我山崩盡十方不幾奉救出世妙  
心上皇宣召堅辭不應阿州太守以興源寺招聘不  
往播之法幢寺夢窻國師開闢之地湮沒旣甚築居  
興廢鳩材役工里民謂云先是野中氏夢國師告曰  
自今五年道人來止德行勝我寤以語人今方五年  
矣總州太守源忠弘主姬路城聞築道風復寺疆地  
台府朱篆賜田除賦天龍寺僧曰此寺我徒輪住  
之地須還本寺築曰旣是輪住爲什麼無住道得卽

還其僧無對但之雲頂山人天絕路狼鹿交迹築持  
斧鎌纔通茅路法幢相太四十餘里九折蜀道腰包  
往來至無虛月及梵宇建頒賜朱篆寄山前田衆推  
爲中興祖受輪請住濃之瑞龍入寺指門云此門露  
柱空梁不假雕琢何解思量佛殿百億分身衆生良  
藥小信根人卻作毒藥正保丁亥秋往江府太樹家  
光源公命尼祖心將延見之其夕潛遁明曆丙申浴  
賀之溫泉取路於越前寓龍雪居士宅過冬愚堂亦  
來太守源光通聞一老至喜招問法築以雙趺不仁  
坐蒲團守攀蒲團送座盛待堂云太守聰明恐是短

命築作色曰愚堂老漢不識好惡叨許可人這白面  
郎識個什麼太守嘆謂實足爲師建大安寺延爲始  
祖一日守問碧巖集宗門第一書是也無築曰是太  
守曰請和尚爲我講一兩則築曰只恐不會太守頻  
請築勵聲曰廓然無聖守曰不會築曰果然把不住  
寬又六年朝廷特賜號諸相非相禪師九年己酉在  
法幢日行脚時至歸越七月十四日書偈曰西天的  
子東海崑崙平生受用不二法門其尾書二日前十  
五日夜顧侍者利脫索紙脫過與來築便一掌翼日  
示化齡八十六臘七十五如法荼毘封靈骨於寺西

贊曰大愚禪師機歷海山不飾人情磨盤鐵鎚當面  
拋出叢林之一鴉非文字禪之所及又不可言晚唐  
以來無師也

丹州法常寺沙門文守傳

釋文守字一絲工部尚書源具堯第二子母藤氏孕  
胎分娩少無苦惱龍領鶴立垂手過膝筮者占曰此  
兒佗日爲王者師逮十四歲待萬年山雪岑峯公清  
敏守約居未數歲綜記羣經過僧友房偶看禪策傾  
意宗門參下老宿看一則語老宿許之又與一則守  
念古人悟得一則大事了畢卽知所究尋非實悟願

遇明師頓脫塵寰潛出萬年徑謁澤菴禪師下泉南  
呈從前解懇乞開示菴笑云我這裏無添閑話而  
累學人將一丸療衆病加意提訓稱非常器十九歲  
拜樞尾山賢俊剃髮稟戒安居九旬講習毘尼再參  
泉南粗著精彩菴東謫日省侍一年洛西岡里營結  
閑夢分衛過時守嘗幼時侍于內宮在泉南日左僕  
射信尋藤公與菴相善屢在台駕初識守浹招致私  
第博談佛理僕射篤信奏太上皇云臣見僧多未有  
如守之九路峰下結屋枯坐後來廣基號桐江菴禪寂



之士共嘗冰藥舉揚古道藤亞相光廣入山叅扣徹  
狗子話一日齋後過菴前柏樹下脫然大悟應接異  
常無觸機者將入明國而受明師之證以國禁不遂  
志承嗣愚堂寔肯雲居膺雪窓崔在妙心守往道契  
太上皇命近臣建靈源禪院於賀茂辛巳又詔鼎新  
丹之舊菴爲大梅山並賜住持守拈樹枝示衆衆無  
對便擲下日盡情彈了無人賞憶得伯牙曾絕絃夜  
話示衆若能轉物卽同如來諸人恁麼信得麼僧云  
信得守指燈臺曰汝如何轉僧云燈臺守喝曰失卻  
鼻孔須德山托鉢話曰湖上遊塵半點無歸蓑一片

將瞞世間多少丹青手細著工夫入圓圖須狗子  
話曰苦咬無字下工夫那個丈夫絕後蘇撥轉趙州  
關棧子倒騎佛殿入紅爐癸未住江之永源寺正保  
二年罹病上皇賜醫翌歲再發頻詔就醫守知不治  
不敢入京語左右曰道俗來者非問疾擬令我遣付  
汝等而準今時杜撰耳我行期近汝等宜順當寺開  
山顧命此外更無說三月十九日晨粥不匙靠案支  
坐至午時右脇臥瞑目淨因欲搦手診守忽開目叱  
之蛻然保年三十九坐夏二十窆全身於屋山收遺  
髮于大梅山塔日淵默撰述緇門審藏註垂誠并有

佛祖百首頌童行談苑狐涎五葉等集延寶六年春  
賜諡定慧明光佛頂國師  
贊曰遇嘉會而得者如順風舵或易得之當澆期而  
求者似逆水帆絕難悟焉非具宿根安得成禿乎一  
絲國師出於禪道否塞之時未弱冠而志于大法體  
窮鍛鍊得太徹底遂要接得一個半個使佛祖不傳  
妙再流扶桑津天不假年惜乎亦與今時無實真者  
不可同日而語也

城州萬福寺沙門隆琦傳

釋隆琦字隱元明之福州福清林氏子母龔氏萬曆

二十年生九歲就學翌冬廢學而事耕樵露坐仰觀  
天河運轉日月流輝心竊異之欲明根源有慕梵學  
附進香船至普陀山禮拜觀音發心持素泰昌元年  
禮鑑源壽薙染黃髮年二十九檀興梵宇遊講經席  
密雲和尚來應金粟買舟而造入門便問學人初入  
向甚處做工夫雲曰我這裏無有工夫可做要行便  
行要住便住琦疑不決目不交睫第七日雲過堂前  
擡頭一見有省便拜曰某甲會得雲云道看琦便喝  
雲云再道看琦又喝雲云三喝四喝後如何琦曰今  
歲鹽貴如米雲云走開不得礙人路頭天啟六年爲

客堂主遇五峰西堂豎拳日識得者個天下太平識  
得者個天下爭競如何決斷峰云者個從什麼處得  
來琦便喝峰云那裏學得來琦又喝峰便打琦再喝  
峰又打琦喝兩喝峰打兩打衆謂老隱今日敗關琦  
憤憤地平日而行一日立窗外忽一陣風吹入毛骨  
通身白汗識得源本僧謂峰云老隱徹也乃呼勘驗  
琦日道卽不難只恐驚羣動衆峰云何妨琦打筋斗  
而出崇禎二年住獅子巖費隱和尚住黃檗舉琦爲  
西堂頌百丈再參馬祖因緣日一聲茶毒聞皆慙遍  
野彌腹沒處藏三寸舌伸安國劍千秋凜凜白如霜

隱卽貼法堂前示衆鳴鼓陞座授與拂子十年丁丑  
主黃檗席巖側塊石側時如舟衆患不平一夜默禱  
此公法道行于世間石自可平初△本朝承應  
三年應肥前興福寺主逸然之招達于長崎卽住興  
福移崇福寺妙心派下一二三耆宿以琦在西偏化未  
遠及啟訴公府許入畿內明曆元年始到攝之普門  
寺上堂若論個事如天普覆如地普擎如日普照如  
月普明如風雷普震如雨露普潤如霜雪普潔如滄  
海普納百川如深山普藏羣獸等間豎一毫端普攝  
無邊刹海偶爾聊露片言普收無量妙義諸人於是

客堂主遇五峰西堂豎拳日識得者個天下太平識  
得者個天下爭競如何決斷峰云者個從什麼處得  
來琦便喝峰云那裏學得來琦又喝峰便打琦再喝  
峰又打琦喝兩喝峰打兩打衆謂老隱今日敗關琦  
憤憤地平日而行一日立窗外忽一陣風吹入毛骨  
通身白汗識得源本僧謂峰云老隱徹也乃呼勘驗  
琦日道卽不難只恐驚羣動衆峰云何妨琦打筋斗  
而出崇禎二年住獅子巖費隱和尚住黃檗舉琦爲  
西堂頌百丈再參馬祖因緣日一聲茶毒聞皆慙遍  
野彌腹沒處藏三寸舌伸安國劍千秋凜凜白如霜

隱卽貼法堂前示衆鳴鼓陞座授與拂子十年丁丑  
主黃檗席巖側塊石側時如舟衆患不平一夜默禱  
此公法道行于世間石自可平黎明如一朝承應  
三年應肥前興福寺主逸然之招達于長崎卽住興  
福移崇福寺妙心派下一二三耆宿以琦在西偏化未  
遠及啟訴公府許入畿內明曆元年始到攝之普門  
寺上堂若論個事如天普覆如地普擎如日普照如  
月普明如風普震如雨露普潤如霜雪普潔如滄  
海普納百川如波山普藏羣獸等閒豎一毫端普攝  
無邊刹海偶爾聊露片言普收無量妙義諸人於是

明得便知雲門餅趙州茶曹山酒金牛飯雪峰毬玄  
沙虎德山棒臨濟喝一串串過盡淨無餘信手拈來  
無非家審取用不竭然世間之審汝等盡知法王大  
審如何理會以拂子敲桌一下云會麼達觀直下絕  
疑猜個裏何曾惹點埃果是濟家真種州一齊抄入  
普門來下座結制集衆堂裏千指萬治元年妙心之  
耆宿又告京尹而承鈞命偕往江府寓天澤寺候伯  
士庶拜禮作羣謁源大樹承賜歸攝翌歲賜太和田  
地乃開萬福爲第十世台命復寄莊田若干太上法  
皇宣旨內奏法法語實文二年設禪門大乘戒座受者

千指退休于松隱十二年春有微疾上皇遣使存問  
進偈謝恩四月初二早刻謂左右曰今日不得遠離  
吾行期逼矣至午時遽起跌坐衆請遺偈琦卽書曰  
西來柳栗振雄風幻出磔山不宰功今日身心俱放  
下頓超法界一真空書罷奄然跏身三日顏色不變  
門人龕奉封于壽藏世齡八十二法臘五十三嗣其  
法者二十八人宰官居士清信士女聞法結緣千有  
餘人有七會語錄雜集若干卷後水尾法皇賜大光  
普照國師之號

贊曰禪宗諸師來于此方東陵以後寂寥不聞將二

百年屬明，季運隱元禪師來投聖化，宗教才識雖不及古人而勝於今世焉。未幾付佛之子孫分處浩浩自及二世，特以甚多若真正搜討不在本色，其奈杜撰禪師矣。

論曰：世尊拈華迦葉微笑，以至西天四七東土二三五燈錄所載，今姑置之。大鑑下分於青原南嶽，有馬祖石頭稱之。江西湖南馬祖下獨盛，轉傳臨濟曹洞，馮仰雲門法眼之五派分而復副於楊岐黃龍之二流，總是五家七宗也。直截本根契佛之內心而的的承稟教外傳之謂佛心宗矣。以其行貌似定止自本

唐始名禪宗，焉而非六度之禪。所謂教外別傳祖師禪者，也。唐宋僧傳立習禪一科，不知其所因而教外宗接六度中教禪同篇，混濫難求，多為後覺所擬之。非天下豪傑太信實者，安能得究此宗哉。本朝白雉初道昭謁玄奘三藏而教外傳禪，唐道璿佩菩提之印來授，行表又義空至齋鹽官之法，傳教初承行表再投，脩然受牛頭法，慈覺逢蕭慶中親稟心印，厥後不傳三百年矣。承安年中覺阿入宋，叅佛海遠得悟而緘默不說，能忍遠乞佛照光之證，稍倡畿內暨於文治三年明菴叅虛菴傳黃龍之禪，貞應二年道元

從如淨得洞山之訣始稱臨濟曹洞之祖也自爾東  
遊南邁海路絡繹聖一嗣無準法燈承無門大覺嗣  
無明開建長元菴僅住回支那佛源卷龜谷佛光坐  
鹿山南浦西澗同船異曲一山通元主之命來住南  
禪清拙應平帥之請明極竺仙來董南禪東明東陵  
宏智之孫設五位正君臣無隱古先遠溪業海明叟  
復菴並弘中峰道中巖獨續大慧焰挾才美輝妙喜  
世界無文師友古梅高蹈奧山愚中嗣即休了隱靈  
丹丘大拙嗣長千巖開鋪席於常州月林承茂古林  
揚古風於城西樵谷鏡堂別傳東里會靈山隱傳自

大方二世而絕無關宴坐妖潛南禪鼎建大燈出惡  
辣手接得關山徹翁關山華花園六世四派支徹翁  
補紫野五世一休出夢窻國師七朝春屋僧錄五岳  
義堂絕海宗說雙壁石室天龍祝楓宸瑩山總持拜  
紫袍峩山籌室正令五英通幻爐韜燬過十傑石屋  
震法雷於西國了菴流洞水於東關澤菴愚堂雲居  
大愚一絲以心要鳴頃世之光明燈也余比冠歲親  
聞見之凡五山並峙華夷十刹列于東西名藍上刹  
綦布相齒先輩科判有二十四流又檠山隱元鼓鉦  
續紛行中峰禪今世釋儒之人開口便言道充於天

地塞於古今若近取譬之則本備於我何又外求乎  
備我之道人不知之識情害之也所載此科之先達  
者悟本具之性而出陰界之人也機緣語句分明記  
之不可以容易看焉

本朝高僧傳卷第四十五

音訓

傘 蘇簡切 囂 吁嬌切 獠 連篠切 鴉 吁驕切 桌 竹角切

江府住玉泉軒成九居士信施淨財鏤  
本朝高僧傳卷四十五 茲冀  
上報四恩下資三有家道繁興種智圓明  
寶永丁亥佛成道之日  
濃州路加納盛德禪寺 知藏比丘 識



日本書紀卷之四十五

十六

新州... 寶木... 齊宗... 蘇... 圓... 臣... 蘇... 圓... 臣...



Vertical text on the left side of the page, including characters like '蘇', '圓', '臣', '蘇', '圓', '臣'.

